



**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Vtrum sint quinque notiones. articulo 3. disputatione 1.

[urn:nbn:de:hbz:466:1-73915](#)

ARTICVLVS III.
Vtrum sint quinque notiones.

DISPV TATIO I.

Conclusio
affirmans.Notiones
personarum
diuinarum
quaes.

GONCLUSIO est. Tantum sunt quinque notiones. Est communis. Probatur vero, quia notio est ratio cognoscendi unam personam, ut ab alia, aut aliis distinctam: personæ autem diuinæ multiplicantur & distinguuntur per originem eius à quo aliis, & qui ab alio: ergo innoteſcunt per modos originis eius, à quo aliis, & qui ab alio. Pater autem innoteſcere non potest per hoc, quod sit ab alio, sed per hoc quod non sit ab alio, atque ad eum ipius notio est innascibilitas. Per hoc vero, quod ab eo sit aliis, innoteſcunt dupliciter, comparatione quidem Filii, per paternitatem: comparatione vero Spiritus sancti, per spirationem actiua. Atque ita in Patre sunt tres notiones, innascibilitas, paternitas, & spiratio actiua. Filius vero comparatione Parris innoteſcitur per filiationem, secundum quam passiuæ est ab illo: comparatione vero Spiritus sancti, per spirationem actiua sibi cum Patre communem, secundum quam Spiritus sanctus etiam à Filio procedit. Vnde in Filio sunt duæ notiones, filiatio scilicet, & spiratio actiua, quam habet cum Patre communem. Demum Spiritus sanctus non potest cognosci per hoc, quod aliis sit ab eo, sed per hoc, quod ipse sit à Patre & Filio per processionem seu spirationem passiuam. Vnde in eo vna tantum est notio. Fit ergo, ut in personis diuinis quinque tantum sint notiones, quibus cognoscuntur ab inuisum distinguiri, videlicet, innascibilitas, paternitas, communis spiratio, filiatio, & processio, seu spiratio passiuam.

Ex his docet D. Thomas quatuor tantum esse relationes: eò quod innascibilitas non sit relatio, sed negatio respectus eius, qui ab alio, quæ reducitur ad genus eius respectus, quem negat. Quatuor item tantum esse proprietates, quippe cum spiratio actiua non sit propria alicui personæ, sed communis Patri & Filio. Item tres tantum esse notiones personales, aut proprietates personales, hoc est, constituentes personam in eis personæ, rei incommunicabilis. Innascibilitas namque, cum sit negatio, non constituit: communis vero spiratio non reddit quipplam incommunicabilem. Licet autem vna & eadem res (vt paternitas verbi gratia,) esse possit notio, relatio, proprietas, notio personalis, aut proprietas personalis: dicitur tamen notio, quatenus est ratio cognoscendi personam, ut ab alia, aut ab aliis distinctam: relatio vero, quatenus est ratio referendi unam personam ad aliam: proprietas, in quantum conuenit vni tantum personæ: & notio personalis, aut proprietas personalis, ut est notio, aut proprietas constitutiva personam in eis personæ, rei incommunicabilis.

Aduerſus ea quæ dicta sunt, aliquis obiicit. Primo, quia quemadmodum in Patre, quatenus non est ab alio, est vna notio, quæ dicitur innascibilitas: ita in Spiritu sancto, quatenus ab eo non est aliis, erit alia notio: ergo notiones non sunt tantum quinque.

Secundum, sicut Patri conuenit innascibilitas: ita Secundum, Patri & Filio conuenit inspirabilitas passiuæ: ergo sicut innascibilitas concedunt notio Patri, sic etiam inspirabilitas constitui debet notio communis Patri & Filio.

A Terterio, generatio actiua, & generatio passiuæ, *Totius*, itemque spiratio actiua, & spiratio passiuæ (lumpæ pro processionibus) sunt etiam notiones, eò quod per eas etiam personæ cognoscantur inter se distingui: ergo plures sunt notiones, quam quinque.

Scotus in l. d. 2. q. 1. v. i. secundo argumento *Innascibilis* proposito fluctuat in concedenda sexta notione, *tua quid.* Pro solutione tamen aduertam in primis, innascibilitatem, quæ hoc loco notio & proprietas Patri constituitur, significare formaliter negationem, nō quidem nativitatis presæ ac propriæ lumpæ, quæ est qua Filius procedit à Patre: talis namque innascibilitas etiam Spiritui sancto conuenit: sed nativitatis latè pro qualcumque processione, ita ut in re propria innascibilitas idem sit, quod non processio, & ingenitus idem, quod non habens esse ab alio quocumque modo, id quod soli Patri cœpit.

B Aduertam secundò, negationes originum, eo ipso quod negationes sunt, & quod personis diuinis nō sunt intrinsecæ, de communi lege ad notiones diuinorum personarum, vt hoc loco bene notat Caietanus, minime pertinere. Quod autem innascibilitas notio Patri à sanctis Patribus constituta sit, fuit præter communem legem, propter rationes, quæ hoc loco Caietanus reddit. Cum enim esse primum principium in benedictissima Trinitate ad maximam Patri autoritatem spectet, propter quam ab Hilario 9. de Trinitate, & ab aliis sanctis maior Filio dicitur, esto Filius, quatenus Deus, minor Pater non sit: & propter quam etiam Filius in Evangelio solitus est omnia ad Patrem referre, quem imitata Ecclesia, omnes ferè orationes ad Patrem etiam dirigit, voluerunt sancti Patres tradere, non solùm notiones principij, & eius qui à principio, que solæ iuxta legem communem dicenda erant notiones personarū diuinarū, sed etiam notiōem principij, ut primum est, quæ præter cōmūnem legem in notionibus ab eis numeratur. Pater ergo, quatenus principium, innoteſcitur per paternitatem comparatione Filii, & per spirationem actiua comparatione Spiritus sancti: quatenus vero primum, id est, non de principio, per innascibilitatem cognoscitur. Rationes alias legi si placet, apud Caietanum,

C *Cum res de communis legi potissimum quid efficitur. beatis matris beatissimæ marie magis ergo. quatuor.* His ita constituitur, ad primum argumētum ne-ganda est similitudo. Negatio namque de cōmuni lege non est notio personæ diuinae: innascibilitas vero peculiari ratione extra communem legem in notionibus est numerata, iuxta modū explicatum.

D Ad secundum dices inspirabilitatem esse etiam negationem: in ea vero desiderati peculiarē illum rationem, quare præter communem legem constitutur notio, quæ tamen est, quare innascibilitas constitutur.

E Ad tertium dicendum est. Cum vnumquodque per ea, ex quibus constituitur, distinguatur: & quāmis processiones & relationes diuinæ idem omnino sint in Deo, etiam virtute, solūmque inter se ratione concipiēntur & distinguuntur, nihilominus accommodatiū significantur nominibus abstractis relationum tanquam principia constitutiva vna cum essentia personas, quā nominibus abstractis professionem: inde esse, quod relations potius, quām processiones constituantur à sanctis Patribus notiones personarum. Vel certe dicendum est, tam processiones, quām relations significatas in abstracto reputari à sanctis Patribus pro eodem, ut constituantur notiones: sicutque tantum esse quinque notiones virtutē, rationēque ratio-cinata inter se distinctas. Plures vero esse, si de distinctis ratione etiam ratio-cinante sit sermo, pro-cessioneisque

cessionesque tanquam distincta quædam à relationibus computantur. Ratio quam hoc loco reddit Torres quare non plures, quām quinque notiones constituantur, videlicet quia non sunt plura abstracta, quām illa quinque, nullius sanè est momēti. Ea namque omnia, qua argumentis propositis notiones esse contenduntur, proculdubio abstracta sunt, quibus Patres sapienter videntur.

D I S P V T A T I O II.

Num hæc enunciatio vera sit, paternitas est spiratio.

Opinio D.
Thomas.

DIUVS Thomas hoc loco in response ad tertium negat eam esse veram. Has tamen concedit esse veras, paternitas est essentia, intellectus est voluntas. Cui placuerit, quæ Caïtanus, Torres, & alij hoc loco docent, ut defendant priorem illam propositionem esse falsam, poterit eam sententiam complecti.

Ceterum cùm ex Diu Thomæ sententia ac veritate, ipsa paternitas & spiratio actua, nec re, nec ratione formaliter distinguantur inter se (etiam secundum esse rationis formalis relationis) sed tantum virtute, non video quare hæc in sensu formaliter sit concedenda, paternitas est spiratio actua: sicut hæc duæ in eodem sensu conceduntur, paternitas est essentia, intellectus est voluntas. Neque satisfacit ratio, quam hoc loco reddit Caïtanus, videlicet quia paternitas & spiratio actua differunt differentiis relationis, cùm una sit ad Filium, & alia ad Spiritum sanctum, & multiplicantur secundum eis relationis (sunt namque duæ relationes) id est hanc esse falso, paternitas est spiratio: cùm tamen illæ duæ aliae propositiones sint verae. Hæc, inquam, ratio non satisfacit: neque enim paternitas & spiratio simpliciter differunt formaliter differentiis relationis, sed virtute dumtaxat: neque sunt duæ relationes formaliter inter se distinctæ secundum eis relationis realis, sed virtute dumtaxat, ut articulo præcedente ostendimus, alioquin in Patre esset distin^{tio} ex natura rei inter ea, quæ in eo sunt formaliter, quod nulla ratione est concedendum: cùm ergo intellectus & voluntas sint etiam duæ rationes formales reales entis absoluti virtute inter se distinctæ, sit planè, vt non sit maior ratio, quare hæc sit falsa, Paternitas est spiratio, quām hæc, intellectus est voluntas.

Quod si in hunc modum argumenteris. Paternitas est respectus ad Filium, & non ad Spiritum sanctum: spiratio vero est respectus ad Spiritum sanctum, & non ad Filium; ergo paternitas non est spiratio: neganda est consequentia: non secus arque hæc alia negatur, intellectus est id, quo Deus intelligit, & non quo vult: voluntas vero est id quo vult, & non quo intelligit: ergo intellectus non est voluntas in Deo. Sicut enim in hac secunda consequentia, quia intellectui conuenit esse principium intelligendi, ut ratione ac virtute distinguitur à voluntate, & voluntati conuenit esse principium volendi, ut similiter distinguitur ab intellectu, conceditur antecedens, & negatur consequentia, quia infertur absolute non identitas intellectus & voluntas inter se, propter quod in ea committatur fallacia accidentis: sic quoque cum paternitati conueniat, ut sit respectus ad Filium, ut virtute distinguitur ab spiratione actua, & spirationi actua conueniat, ut sit respectus ad Spiritum sanctum, ut virtute distinguitur

à paternitate, neganda est illa prior consequentia, in qua pati ratione, committitur fallacia accidentis.

Illud tamen hoc loco est animaduertendum, si-
cūt hæc conceditur, intellectus est voluntas, & tamen
hæc negatur: attributum intellectus est attributum vo-
luntatis, quia attributum de formalis significat ens
rationis, quod est aliud in intellectu, & aliud in
voluntate: ita hanc esse concedendam, paternitas est
spiratio, & hanc esse negandam, notio paternitatis est
notio spirationis: quia simili modo vocabulum, no-
tio, de formalis significat ens rationis, quod est dis-
tingutum in paternitate ab eo, quod fundatur in
spirazione actua, & quia in significatis materialibus
sufficiens distinctione pro ratione significatorum for-
malium, ut nomine notio, dicitur pluraliter de paterni-
tate & spiratione actua, ut etiam de attributis di-
uinis quæst. 2. art. 2. disputatione 3. dictum est. At-
que hoc est, quod probat exemplum Diu Thomæ,
hoc loco in response ad tertium, ut Scotus quodlib.
q. artic. 2. egregie notauit, & hoc in re nobiscum
consentit, tametsi dissentiant, quatenus credit, inter
paternitatem & spirationem actinam esse distinc-
tionem formalem, & ob id censet hanc, paternitas
est spiratio, in sensu formaliter esse negandam. Quod
si Diuus Thomas hoc loco solùm intendit hanc
esse falsam, notio paternitatis est notio spirationis
actua, hanc vero esse veram, paternitas est spiratio
actua, ab ea, quam sequimur, sententia non
discrepet.

Obiectio.
Salutio.
Notio paternitatis non est notio spirationis actua, licet paternitas sit spiratio.

A R T I C V L V S IV.

Virum liceat contrarij opinari de notionibus.

NO TANDVM est, sine periculo hæresis asseverari posse, quatuor tantum esse notiones, aut esse sex, vel plures. Neque propter eum, qui id assenseret, excitat Diuus Thomas hanc quæstionem, sed propter sententiam Prepolitiu, possetque eam etiam excitare propter sententiam Durandi, & alias similes. Responderique, cùm notiones non sint de numero eorum, quæ principali-
ter credenda proponuntur, circa quæ non soler-
esse ignorantia probabilis, solerque in assertione
contrarij presumi pertinacia, ad rationem hæresis
necessaria, circa notiones esse posse opiniones fal-
fas absque periculo hæresis, dum scilicet aliqui eis
opinionibus adhaerent, non attendentes ex eis ali-
quid sequi fidei contrarium. Vnde, ait, non esse eos
censendos hæreticos, qui circa notiones contrarij
aliquid opinati sunt, esto ex opinione alicuius eorum
colligetur aliquid fidei contrarium. Reli-
qua, quæ hoc loco dici poterant, commodius di-
spurabuntur 2. 2. q. 11. dum de hæresi erit sermo.

Q VÆSTIO XXXIII.

De persona patris.

A R T I C V L V S I.

Virum patri competit esse principium.

D I S P V T A T I O I.

Dixerit D. Thomas deinceps de personis in particulari, ac primò de persona Patris.
I res diuinæ personæ, quatenus Deus sunt, vni-
cum esse principium rerum creatarum, est mani-
festum, docetque Augustinus q. de Trinitate c. 13. &

Oo 4 14. Ne